



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

Broj:
Sarajevo,

Na osnovu člana 31. stav (1) točka b) i člana 77. stav (1) Statuta Grada Sarajeva („Službene novine Kantona Sarajevo”, broj 7/23), Gradsko vijeće Grada Sarajeva, na __. sjednici održanoj dana __. __. 2024. godine, primilo je k znanju

Informaciju o realizaciji projekta sanacije zacijevljenog dijela Bistričkog potoka

PREDSJEDAVAJUĆI GRADSKOG VIJEĆA

Jasmin Ademović

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

Informacija
o realizaciji projekta sanacije zacijevljenog dijela Bistričkog potoka

Predlagač: Gradonačelnica

Obrađivač: Gradska služba za urbano planiranje,
investicije, stambene i komunalne poslove

Sarajevo, januar 2024. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Informacija o realizaciji projekta sanacije zacijevljenog dijela Bistričkog potoka

Grad Sarajevo je, u okviru svoje zakonske nadležnosti nad upravljanjem i održavanjem uredenih vodotoka II kategorije na svom području, u 2023. godini planirao završiti sanaciju zacijevljenog dijela Bistričkog potoka. Naime, u 2022. godini započeta je i završena I faza sanacije, a nastavkom realizacije II i III faze okončala bi se sanacija zacijevljenog dijela potoka, uzvodno sve do ulazne građevine. Radovi podrazumijevaju sanaciju oštećenih dijelova dna i zidova, te kaskada kojih u gornjem dijelu potoka zbog velikog pada ima u većem broju i koje su oštećene erodivnim djelovanjem vode i nanosa pri obilnijim padavinama, kao i sanaciju ulazne građevine.

Sredstva za izvođenje radova II i III faze bila su obezbijeđena sufinansiranjem Kantona Sarajevo putem Sporazuma o sufinansiranju projekata, zaključenog dana 14.06.2023. godine sa Ministarstvom privrede Kantona Sarajevo i manjim dijelom iz Budžeta Grada Sarajeva za 2023. godinu. Prema navedenom Sporazumu, Ministarstvo privrede sufinansira ovaj projekat iznosom od 288.416,38 KM.

Gradska služba za urbano planiranje, investicije, stambene i komunalne poslove je, odmah nakon zaključenja citiranog Sporazuma, u skladu sa Zakonom o javnim nabavkama, pokrenula javnu nabavku radova sanacije zacijevljenog dijela Bistričkog potoka za II i III fazu. Obavještenje o nabavci objavljeno je na portalu Javnih nabavki dana 07.07.2023. godine, ali do ostavljenog roka nijedna ponuda nije dostavljena, te je postupak poništen dana 01.08.2023. godine. Zatim je pokrenuta procedura za ponavljanje postupka javne nabavke radova te je obavještenje o nabavci objavljeno 01.09.2023. godine, ali ni u ponovljenom postupku nije zaprimljena nijedna ponuda u određenom krajnjem roku.

Oba puta provoden je otvoreni postupak javne nabavke, a procijenjena vrijednost radova je bila 358.000,00 KM, prema procijenjenoj projektantskoj vrijednosti radova.

U ponovljenom postupku, ispitivanjem tržišta, ispostavilo se da tržišna vrijednost radova II i III faze iznosi preko 510.000,00 KM i znatno premašuje sredstva koja su bila na raspolaganju, tako da iz tog razloga nije bilo ponovne nabavke radova do kraja 2023. godine.

Imajući u vidu značaj realizacije ovog projekta zbog stepena evidentiranih oštećenja, projekat sanacije zacijevljenog dijela Bistričkog potoka je kandidovan kao jedan od prioriteta prema Ministarstvu privrede Kantona Sarajevo za sufinansiranje u 2024. godini sa traženim iznosom od 500.000,00 KM. Ukoliko budu odobrena tražena sredstva iz Budžeta Kantona Sarajevo, provest će se postupak javne nabavke radova i ugovoriti izvođenja radova, a stručni nadzor vršio bi Zavod za izgradnju Kantona Sarajevo. Za ovu namjenu u Budžetu Grada za 2024. godinu planiran je iznos od 50.000,00 KM, koji uključuje i troškove tehničkog pregleda po okončanju sanacionih radova.